

欽定剿平三省邪匪方略

欽定剿平三省邪匪方略正編卷三百二十六

壬戌年

七月初七日

乙亥

額勒登保奏言查賊匪竄匿石

砭峪係在萬山之中箐密林深艱於掠食

臣恐

該匪不能久匿又復遠颺一面與楊遇春分撥

兵勇四路兜圍一面飭派副將王兆慶應元寬

遊擊李東宣分帶兵勇徒步入林搜剿該匪知

臣帶兵在太峪河一帶督剿不敢東趨遂向西

北之雞窩子一帶逃遁楊遇春聞信親率兵勇  
連夜於雞窩子設伏以待二十一日午刻探得  
該匪竄距雞窩子不遠又復折回楊遇春遂卽  
帶領官兵星馳追擊殺賊十餘人獲賊六名據  
稱我們本要由雞窩子逃往高官峪太平峪一  
帶因捉得百姓一人他說楊大八官兵就在前  
面不遠所以我們趕緊折回等語查雞窩子地

當扼要楊遇春相度形勢設伏一晝夜之久原  
欲該匪由竅竄出一鼓掃除乃爲擄去民人洩  
漏實堪憤恨該匪被剿後復匿入老林連夜由  
險峻無路之處零星翻越而遁於二十二日晚  
間竄至南面之朗子溝臣聞賊匪南竄之信是  
日帶兵由大山岔進發薄暮時趕抵紗羅嶂探  
報只距賊三十餘里卽於二更後親督官兵進

剿五更時趕到朗子溝山梁於月光中見該匪正在起竄卽令副將張廷楷遊擊劉健標等帶兵由山梁壓下殺斃十三人生擒九名將賊衝爲數段四散奔逃天明時查得賊匪數十人爲一起數人亦爲一起有向南逃竄者有向北逃竄者並有於林箐中零星伏匿者首逆並無切實下落適副將王兆夢應元寬吳廷剛等已由

山內尋蹤趕到臣遂卽派令副將應元寶遊擊

李東宣林向榮孝義都司馬進各帶官兵分爲

數路顧住東北南面探剿北竄賊匪其南竄賊

匪人數稍多臣派令副將吳廷剛叅將李應元

等帶兵緊躡追剿並知會楊遇春由江口洵陽

霸一帶自西向東抄截飭令副將張廷楷遊擊

王兆龍由川河口月河一帶自東向西抄截臣

連日由黃花嶺沙溝高關江口馳赴懶板橈一帶扼要策應接據副將吳廷剛等稟報二十五日由月河馳抵泰山廟趕上賊蹤追逐二十餘里沿途殺賊八名生擒周天祥等四名餘匪匿入林箐又經搜獲五名吳廷剛李應元等仍帶兵追剿二十六日晚間於栗扎坪又趕上賊匪該匪已竄臨山梁我兵用鎗礮擊斃賊數人

賊又逃遁仍卽由川堂河一帶緊躡追剿

臣復

派令副將王兆夢由古桑墩一帶設伏以備截

擊現據江口叅將李英多稟報二十六日夜間

有賊匪百餘人從北面竄來至平溝口一帶該

處有背糧民夫在房屋內歇息被戕數名搶去

並燒燬糧米數十包次日副將應元寬帶兵追

至平溝查知苟文明卽在其內

臣

已飛飭應元



寬竭力趕辦並差弁飛探確蹤派撥官兵併力  
協剿至總兵李應貴所剿之張士雲張士熊股  
匪因被剿窮蹙四散奔逃現有一百餘人竄至  
上壩一帶李應貴帶兵由大坪八大谷進剿又  
有分竄數十人逃至盤屋金牛坪經通判雒昂  
分派寨勇追剿於大莊子一帶殺斃賊匪十三  
名生擒五名內有張士雲之胞弟張士鳳一名

又有張士熊之妻孔氏一口臣已飭該通判卽

將獲犯解送盩厔縣錄供稟報核辦並將孥獲

賊犯之寨勇等優加獎賞又據扎克塔爾來信

及盩厔鳳縣一帶文武稟報新士黃陳文海賊

匪亦已分股奔逃一股百餘人由磨房溝竄入

留壩之大樹壩東木欄一帶農成派令遊擊李

朝顯等帶兵跟追又經江口遊擊朱集才留壩

都司蘭福委員劉大祺率領兵勇截剿均有斬獲一股二三百人竄入太白山老林總兵楊芳副將張瑗等帶領官兵步行追剿該匪從鸚鵡嘴桃號二川西竄有奔方柴關之勢扎克塔爾格布舍等帶領馬步官兵出辛口峪進斜峪關與楊芳等併力趕剿查該匪既竄方柴關則該處山勢較爲開展各路兵力甚多必可卽期得

手臣已知會慶成扎克塔爾等務卽併力向西

追剿就地殲除刻下惟有苟張股匪尙在老林

中輟轉奔逃然合計不過五百餘人現據寧陝

廳同知張約稟報賊匪竄至上壩時寨民王思

全等率衆追擊殺斃四名將首級送廳呈驗又

有赴該廳投首賊匪陳達奉等三名亦據該廳

錄供稟送前來

臣

亦飭將殺賊寨民皆予優賞

並將投出之人解送原藉安置是現在賊匪被  
剿情急已有渙散之勢除現已分撥數路官兵  
星馳追剿外又密派將弁兵勇或於山林要隘  
之處設伏以待或假扮教匪相機誘擊並因山  
內地方遼濶寨堡又甚零星恐陸有仁所派辦  
理寨堡司道知府及正佐委員等或未盡知山  
內情形未能冒險深入占現又于隨營委員中

及各處帶勇辦事得力者酌派人員各募本地  
勇敢曉事團勇百名令其分段入山督率搜拏  
並設法招撫以期首逆不致漏網餘匪亦迅速  
掃除至將來安插鄉勇一事臣現飭各路領兵  
大員將所帶防剿鄉勇查明籍貫有無家業並  
詢明或願入伍或願回籍俟各路具報到日臣  
卽酌度情形遵

旨詳議妥辦再行奏請

訓示並將陝境各路防剿綠營官兵趕緊清查歸集  
所有東三省滿兵分別應留應撤次第料理就

緒臣前奉

諭旨勒限於六月內擒渠報捷今又未能如願實屬

臣之無能不勝焦急惟有仰懇

聖恩展限一月臣務於七月內勉力趕辦卽不能一

律肅清亦必將首逆設法斬獲倘再逾期不能  
集事卽應仰懇

聖恩將臣加重治罪

同日陸有仁奏言臣探明苟逆股匪竄至孝義

廳屬之韭菜灘一帶經畧額勒登保督同楊遇  
春帶兵逼剿擒斬數十人賊由大壩竄至紗羅  
嶂額勒登保現在分兵數路兜截至北路峪口



一帶

臣

前因督臣惠齡已赴平利當經飛飭藩

司溫承惠就近多團鄉勇分布各峪口防堵嚴

密現今惠齡復遵

旨馳回更可就近督辦又賊目靳士黃股匪分爲兩

起向西奔竄一股百餘人竄至留壩紅巖河都

司蔣福候補知縣劉大祺等齊集兵勇截擊斃

賊二十餘名餘匪穿林逃竄其另股百餘人竄

近桃號二川扎克塔爾等緊躡追截所有各路糧餉臣隨地隨時設法源源支應不敢稍有缺誤餉銀一項前奉

旨續撥粵省銀四十萬兩由豫省轉解先經撫臣顏檢解銀十萬兩來陝接濟嗣以粵省尙無解到日期復經豫撫馬慧裕籌撥銀三十萬兩委員趕解前來得資挹注實爲大有裨益均奏入

上命軍機大臣傳諭額勒登保惠齡陸有仁曰此次  
苟逆股匪由石砭峪向西北之雞窩子一帶逃遁  
探知前有官兵攔截仍復折回南竄由陝境無路  
處所四散分逃雖經額勒登保派令將領分投追  
剿間有斬獲而首逆苟文明又復竄入平溝老林  
此股賊匪額勒登保辦理已逾半年至今首逆尙  
未擒獲設額勒登保派出將領專辦一股賊匪至

半年之久迄無成效額勒登保能不叅劾乎額勒  
登保居心忠實打仗勇敢朕所深知是以節次格  
外加恩而其謀畧之疎朕亦不能代爲解免卽如  
此次摺內稱雞窩子地當扼要旣經楊遇春設伏  
以待乃被賊匪將本處民人捉去問出消息又致  
遠颺是額勒登保籌畫未周之一端各處寨堡居  
民早應先期傳諭曉以大義示以信賞俾令幫助

官兵莫爲賊用並可令其誑誘賊匪引至伏兵處  
所以期一鼓殲擒今計不出此事後張皇何益此  
時苟張股匪合計不過五百餘人額勒登保已飭  
令副將應元寬總兵朱應貴在彼趕剿卽責成伊  
二人上緊搜捕迅就殲除如再遲延著卽行叅奏  
其竄方柴關賊匪二三百人卽交楊芳等竭力趕  
剿務絕根株至從前節降諭旨令額勒登保於六

月內將苟逆股匪依限辦完今伊摺內又奏請展  
限一月於七月內勉力趕辦將首逆設法斬獲倘  
逾限不能集事卽懇將伊從重治罪等語苟逆股  
匪原限六月辦竣今已逾期實屬遲緩本應治罪  
但額勒登保辦理軍務多年現當功屆垂成僅餘  
一首逆未獲卽稍遲旬日豈忍將伊從前所有勞  
績槩置不錄在額勒登保受朕格外保全厚恩尤

應勉圖奏績不可稍有諉卸總當悉心籌畫設法  
趕辦不可徒事焦急如能於七月內將苟逆就擒  
仍屬額勒登保之功必當卹之懋賞至安插鄉勇  
一節事不易辦朕疊降諭旨於大兵未撤之前  
將鄉勇妥爲裁撤此等皆係久經隨征殺賊之人  
好勇鬪狠之習自所必有惟應酌加賞資結以恩  
意或願入伍或願回籍聽其自便斷不可過於嚴

峻迫之以威致伊等心生疑懼亦不可過於厚賞  
令伊等又起驕傲之心轉滋事端此係地方善後  
事宜乃督撫應行會辦之務額勒登保當遵照前  
旨務須與惠齡陸有仁公同籌商俾臻妥善至陝  
省餉項充裕現在大功將次告歲陸有仁務須飭  
令屬員將各項糧餉源源運供毋致稍有缺乏

初九日

丑

勒保奏言

臣

回抵夔城據副都統銜



達斯呼爾岱副將羅聲臯等報稱十六日在豐城地方探得有賊匪一起一起二十餘人在老塢寺關廟一帶竄擾當派叅將蕭鳳來帶兵前往剿辦殺斃十四名生擒人名一起三十餘人在龍嘴坡青崗林藏匿達斯呼爾岱卽同副將羅聲臯海常前往搜捕殺斃賊匪十餘名生擒十三名查訊此一起均係白號剿散之賊內有

周志遠一犯係廣何瑤股內僞先鋒

臣於解到

後提同餘犯審訊均係積年老賊槩行正法又

據叅將傅廷佐報稱六月十八日探得有零匪

一起數十人在梁山所屬觀音崖葫蘆壩一帶

當卽帶兵前往奮力攻剿殺斃賊匪三十餘名

生擒二十三名餘匪尙有一三十名翻山竄走

現仍跟蹤追躡並將獲賊解交梁山縣聽候審

辦又遊擊王泰程元龍帶兵在墊江一路搜剿  
餘匪十九日探有青號零匪三十餘人在新場  
竄走連夜進剿外委王經魁執旗領衆搶上山  
梁斃賊四名獲賊十四名餘匪尙有十餘人均  
棄械逃散將所獲賊匪解交大竹縣聽候審辦  
至川東邊界前有楚省黃號餘匪一股由竹谿  
竄入大寧境內副都統達勒精阿武隆阿帶兵

迎擊復派都司楊正雄守備李朝相分兵抄襲  
楊正雄等在老林內搜獲逃散賊匪十九名訊  
據供稱此起係黃號餘黨江先鋒王先鋒與藍  
號餘黨葛元帥合夥共有四五百人分路逃竄  
達勒精阿武隆阿聞信趕抵黃連坪與楊正雄  
等合兵跟剿在三溪子地方趕及賊尾殺斃賊  
匪八名生擒十三名餘匪四散竄匿達勒精阿

等當將活賊訊明正法仍分兵四路搜捕

臣查

此起賊匪由楚竄川雖經官兵剿散但未能悉數殲擒必須四路窮搜庶可不留遺孽現在一面飛札達勒精阿武隆阿督飭官兵分路搜捕一面復調達斯呼爾岱羅聲壘等帶兵就近從紅池壩向新田壩一路深山密林之中分投搜探以期剿除淨盡其巫山邊界有賊匪二百餘

人由房縣之陰條嶺向巫山之八石坪白菓寺等處分路竄走經總兵張績與叅將桂涵遊擊晉之連等分路追剿在仙風觀地方遇探路賊匪殺斃二三十名逃出難民等九名據供有黃號一股青號一股各有數百人俱與川界不遠向房縣所屬之九湖地方竄去據此情節是楚省餘匪竄近川界者尙多臣現在飭令張績率

同將備等卽在入石坪大昌一帶加謹哨探設  
有楚兵追賊入川務令上緊迎截以收兩面夾  
擊之效再臣昨奉

諭旨籌辦撤兵事宜伏查川省現在餘匪實已零星  
無幾並無整百成股之賊但賊匪愈剿愈散四  
路奔逃多者七八十人少者二三十人藏匿山  
林掃除少有不淨終爲地方之害臣豈不知留

兵日久糧餉多糜但川陝楚三省毘連軍務必  
須通籌全局此時楚省餘匪尙有數千陝省亦  
尙有苟逆一股未除設川省先議撤兵陝楚二  
省之賊必致乘虛而入彼時另起爐竈辦理更  
爲棘手臣晝夜思維現在功已乖成斷不敢惜  
小費而悞大局至川陝餘匪零星散竄於深山  
密林之間雖未能確指其數然約畧而計不過



五六百人

臣

前已嚴飭各鎮將並地方官及團

練各委員勒限於七月內一律肅清猶恐賊蹤

四散潛匿一時不能淨盡其楚省剿散之賊在

川界遊奕者甚多

臣

親在夔門督兵防剿或就

地剿辦或迎頭截回惟有隨時認真辦理至四

川所有征防各兵

臣

已節次裁撤茲復查有山

西廣東二省官兵出師日久已與經畧額勒登

保商酌於六月內將該二省官兵全數撤回所  
有雲貴官兵俟再巡一兩月果能川境全清陝  
楚之賊亦零星無幾不致有闖入川界之慮臣  
卽當次第裁撤仍先滇後黔分起辦理如此庶  
川境不致驟見空虛而於軍務全局亦一勞永  
逸奏入

上命軍機大臣傳諭勒保曰此時各路所剩餘匪每

起不過七八十人至二三十人不等看來川省零  
匪已屬無多剿捕較易勒保當督飭將弁等策勵  
兵勇上緊搜剿務須遵照前次所奏七月內將該  
省餘匪掃蕩淨盡使全境一律肅清爲要現在陝  
省苟文明一股祇有三百餘人尙在老林竄匿額  
勒登保駐彼剿辦已久分六四路逼剿自必尅日  
掃除額勒登保亦斷不致再令苟逆竄入川北邊

界若該逆逸出南山更可立時殄滅況陝省寧羗等處有慶成帶兵在彼堵剿尤不虞其竄過是此時川北一帶防堵陝匪事宜尙非緊要惟川東地方與楚境在在毗連現在楚省竄匪尙有三千餘人爲數較多經德楞泰等截剿緊急蒲賴等逆原係由川竄去或思就近竄回巫山大寧邊界亦未可定此次勒保所奏已有房縣等處竄來零賊倘

川省官兵堵禦稍有不密致蒲逆等乘間闌入則該省零匪正在將次肅清之時復添此股賊匪並恐別滋裹脅人數增多辦理又形棘手是楚輕而川復重何時始能全蕝耶著勒保從長籌計或將他處可撤防兵酌量抽移至大寧巫山等處邊卡嚴密布置則川東一帶增此兵力於堵剿更有裨益倘一聞楚省賊匪竄近之信亦不必拘守疆界

卽移師入楚幫同剿辦楚省官兵從後追躡川省  
防兵迎頭攔截正可兩面夾擊更無難將蒲賴等  
逆一鼓殲擒迅速集事也又據奏請緩撤官兵等  
語前次降旨通諭川楚陝三路軍營於官兵未撤  
之前先將鄉勇妥爲裁撤並未令遽撤官兵今勒  
保以現在功已垂成不敢存惜小費之見請將雲  
貴官兵暫留川省所辦甚是朕節次所降諭旨原

恐該省餘匪無多或帶兵將弁等因祇係搜捕零  
匪稍爲鬆勁竟安坐營盤待賊至始行擊剿則山  
內零匪知有官兵在彼豈肯自行投至有兵處所  
似此何時始能搜淨自應飭令各處防兵隨時探  
聽何處有賊卽密赴該處出其不意奮力搜捕則  
山內零匪可期尅日搜盡又可將此項防兵騰出  
前赴川東協力堵剿更爲得力

同日吳熊光奏言臣查蒲添寶一股前經官兵

在連三坪壓剿殲斃賊衆三四百名生擒一百

餘名并將蒲逆妻子兄弟盡行擒獲該匪逃往

興山龍門沙近據探報又有折回鮑家山之勢

想因該處山徑陡險易於嶋守然賊匪捨命狂

奔躡蹤追捕未免疲我兵力今若竄聚一處轉

可就地殲洗臣查副都統色爾滾總兵蒲尙佐



所帶官兵本屬精銳可靠叅贊德楞泰今又統  
兵繼進自能相機剿除俟將蒲逆一股辦竣其  
餘楚省敗殘零匪雖股數不一然以騰出兵力  
分投剿辦並督率寨勇隨時搜捕當必易於廓  
清現在竹谿境內零匪登據總兵德昌孫清元  
稟報該鎮於十五日在香溪溝天星寨一帶截  
剿葛姓一股零匪殺斃四十餘名生擒十三名

散出被裹男婦二十九名於十九日在冒古坪  
擊剿熊掌櫃一股零匪殺斃四五十名生擒二  
十七名二十一日在磁器山截剿不知名姓零  
匪一股殺斃十餘名散出被裹難民七名其竄  
往東湖歸州之賊並經臣與德楞泰疊飭總兵  
吉林泰李天林等認真搜剿日來亦俱有斬獲  
臣查此等零匪現經兵勇逐節剿捕其黨日少

其勢日衰俟德楞泰將蒲添寶一股辦完後

臣

自當酌量情形再與德楞泰從長會籌分兵妥

辦不敢稍延時日亦不敢草率將就以冀完善

歲功再

臣

接奉

諭旨吳熊光全保及司道等曾於上年分別捐廉以

備賞需著吳熊光卽查明八數銀數開單具奏

臣

查上年捐廉各員祇及司道而止實因該司道

等以通省公事再三稟請捐輸是以公同酌派  
其司道以下各官俱未派及謹將上年捐廉人  
數銀數

開具清單恭呈

御覽奏入

上命軍機大臣傳諭吳熊光曰竹谿境內零匪經德  
昌孫清元截擊東湖歸州竄匪經吉林泰李天林

搜剿均有斬獲現在蒲添寶一股勢已十分殘敗  
德楞泰統領勝兵諒可一鼓殄除再以騰出兵力  
分投剿辦楚境自可計日廓清昨已降旨諭知德  
楞泰若能於七月內辦竣方爲安速至遲亦不可  
再過八月吳熊光當一體遵照會籌務將楚省現  
有賊匪就地殲除淨盡萬不可令其再行闖入川  
境現據勒保奏大寧巫山一帶已有零星竄入之

賊均已截回川省現就肅清豈可再令滋擾應卽  
嚴飭各鎮將上緊搜捕毋稍疎懈并飭糧員將糧  
運源源供應以期及早肅功爲要再楚省督撫司  
道捐備賞需一事上年議捐時朕初不知茲據吳  
熊光開單具奏所有此次捐輸各員除吳熊光前  
已恩賞議敘外全保孫玉庭成寧海昌恒慶張道  
源王正常崔龍見著交部分別議敘

十三日 辛

上命軍機大臣傳諭額勒登保曰額勒登保自剿辦  
苟逆以來已逾半載尙未將該逆擒獲節據伊摺  
內稱苟逆股匪不過剩三百餘人而各路大兵雲  
集較之賊數多至十餘倍即使該匪深入老林艱  
於進剿然賊蹤所到之處豈官兵不能前進且以  
十數人擒拏一人而論理應早行搜捕淨盡譬如

猛獸潛伏深山厚集人力數倍多方掩捕亦無不  
立就搏執豈以勢窮力竭之苟逆有此十餘倍之  
官兵日久兜擒尙不能一鼓殲滅耶推原其故額  
勒登保所帶各路官兵人數雖多恐各處派防卡  
隘分而見單其實在身臨前敵者尙形短少卽如  
額勒登保前摺內奏背糧民夫遇賊戕害該處迭  
山老林民夫旣可背糧運送官兵自亦可以行走



何至被賊搶劫並遭殘害此卽山內兵少之明驗  
並聞距賊遼遠處所虛設防兵經年並未打仗其  
間竟有老弱充數於剿捕無益者著額勒登保詳  
查各路無關緊要處所將防兵量爲撤減並將其  
中老弱兵丁先行裁汰務使一兵得一兵之用其  
所撤防守精兵卽令隨同剿辦苟逆更可期迅速  
歲功此等辦理機宜額勒登保寧不當早爲計及

尙待朕一一指示耶額勒登保務當熟籌善策督飭將弁上緊將苟逆速就殲擒以符七月自定之限不可再有遲緩致干罪戾

欽定剿平三省邪匪方略正編卷三百二十七

壬戌年

七月十五日

癸未

額勒登保奏言竊查苟逆股匪

經<sub>臣</sub>與楊遇春督飭官兵疊次剿殺後四散奔

逃<sub>臣</sub>

督飭各路官兵一面察探苟逆確蹤一面

趕緊追剿嗣據各路解到獲犯何正隆等五名

訊據供稱苟文明因官兵追剿緊急自料斷無

活路叫兒子苟朝九同先鋒張芳帶領一百多

人向老林頭西溝峽逃走偽總兵邱姓嚴士讓  
帶領七八十人向酒溝逃走苟文明同王世貴  
帶領一百多人從小南溝月河逃走昨被官兵  
趕到衝殺苟文明又要帶領二三十人另路逃  
走因先鋒王世貴不依說我們本係一同起事  
如今便死也要在一路所以苟文明與王世貴  
同路逃竄等供旋探得由小南溝逃竄之苟逆

正股已由胭脂壩連夜竄向黃龍洞維時總兵  
李應貴由光頭山五大谷探剿張逆股匪距黃

龍洞不遠

臣

一面飭令李應貴與副將吳廷剛

張廷楷叅將李應元等所帶官兵分路迅速剿  
辦一面與楊遇春等分派弁兵於西北兩面之

川堂河古礫礮楊四廟五郎溝設伏探剿連日  
接據稟報總兵李應貴等於初三日五更帶兵

由栗扎坪黃龍硎進發辰刻抵光腳嶺遙見賊  
匪在嶺巔歇息李應貴吳廷剛等鼓勵官兵徒  
步上嶺賊匪見有官兵將所掠食物拋棄向深  
林內藏匿兵男等深入林內奮力搜剿殺賊六  
名奪獲長矛七桿賊匪四散逃遁李應貴等由  
千家坪一帶跟蹤追趕該匪人數無幾狡詭多  
端每遇山林叢雜之處非杳無蹤影卽遍處踴

有腳跡或將衣物拋擲此處轉向他處奔逃或官兵追躡向前而該匪反繞在兵後實屬萬分可恨李應貴等於初四五等日帶領弁兵隨探隨進於初六日追至磨溝遇賊接仗殺斃八名生擒鄒明貴等六名訊據供稱苟文明現仍與先鋒王世貴在一路並未分散李應貴張廷楷吳廷剛李應元及千總張必祿等各帶所獲賊

犯作爲眼目仍卽向老林步行分投窮追詎首  
逆苟文明畏懼兵威亡命先竄僞先鋒王世貴  
仍敢率領二三十人於林箐深密之處持矛埋  
伏幸官兵等俱有準備該匪甫經動手兵勇等  
卽猛力向前將該犯砍倒並斬獲十數人將王  
世貴首級割取令獲犯指認屬實臣飭令將殲  
斃王世貴及打仗出力之各兵勇優予獎賞仍



諭知各官兵以王世貴既已就戮苟逆勢力更窮務須併力剿捕於數日內將該逆擒獲其苟逆分出之苟朝九張芳等零匪以及張二張三等逆各帶百餘人亦均在附近老林竄匿相距不遠副將應元寬遊擊林向榮守備劉勝祥等現在分路剿辦斬獲四五人六七人不等臣均隨時督飭趕辦不敢因係零匪稍涉寬緩至扎

克塔爾格布舍所剿靳士黃陳文海等分股賊  
匪前已由留壩之棗木欄鳳縣之方柴關一帶  
西竄茲據稟報該匪前股一百餘人經慶成所  
派遊擊李朝顯追剿由紫柏山戰壩林一帶竄  
向寧羗境內其後股三四百人竄出太白河西  
趨因聞西面有慶成官兵又由深山密林繞向  
東遁副將張瑗帶領兵勇星夜由觀音峽抄上

太白山迎截總兵楊芳跟蹤急進扎克塔爾格  
布舍亦督飭都司湯占先等由白雲峽五里坡  
扼住東北面截剿上月二十六日賊匪由太白  
山梁東竄副將張瑗等先時於該處設伏一見  
賊至卽率兵奮擊都司湯占先又從旁抄至併  
力合剿該匪始尙據險衝突經兵勇奮力剿殺  
殲斃四十餘人生擒二十六名餘匪竄下山梁

欲向紅石河南遁維時楊芳正抵紅石河聞山  
梁上鎗礮之聲料係我兵接仗卽帶兵上山協  
剿詎該匪已於半山望見遁入西岔密林訊之  
所獲賊犯內有苟文明堂姪苟朝坤靳士黃之  
弟靳士遙二名均係賊夥中頭目又有積年戰  
手陳有明等十二名當卽分別凌遲正法其餘  
附近被脅民人概予釋放次日楊芳等仍帶兵

入林搜剿賊匪由麻地、花椒園一帶南竄。二十八日追至大箭溝密林中，伏賊突出前隊兵勇受傷數名。楊芳率領大隊趕到，鎗箭並發，斃賊數名。賊匪退上山梁，我兵跟蹤上山。該匪又復恃險抵拒，擲石如雨，並用長矛拋刺官弁兵勇，毫不退却。奮力搶上半山，賊匪遂翻山狂竄。楊芳率領兵勇追過數重大山，共計殺賊三十

餘名生擒賊目王尚雲等八名山徑險仄滾崖  
跌斃者約有二三十名奪獲刀矛五十餘件兵  
勇受傷數人均不甚重該匪所剩不過三百餘  
人係苟逆靳士黃及賊目苟文清李明剛等帶  
領由月亮坪核桃壩等處奔逃楊芳仍與扎克  
塔爾副將張瑗等彼此知會分路合擊以期卽  
行掃除

臣

查該匪經疊次剿殺之後人數愈少

勢更殘敗現又飛行知會扎克塔爾慶成楊芳  
等務乘賊匪窮蹙之際併力趕辦不可延緩至  
首逆宋應伏李貴成等自<sub>臣</sub>入山剿辦苟逆股  
匪時卽聞李貴成有畏懼官兵隻身他遁之說  
近日拏獲賊匪供無異詞<sub>臣</sub>隨通飭南山附近  
各州縣及辦理寨堡之大小委員留心緝獲茲  
據辦理鎮安一帶寨堡之道員吳沂及署鎮安

縣知縣胡彬等稟報奉札後卽親歷縣境嚴密  
巡查於鎮安藍田交界之曹家坪將李貴成拏  
獲訊據供稱係湖北監利縣人投入王光祖營  
內充當矛手自王光祖伍金柱先後殲斃卽同  
伍懷志充當元帥今年二月間因各路大兵到  
漢北追剿改名潘明輝在秦嶺附近輾轉逃匿  
等語臣查宋應伏李貴成係著名賊首奉



旨懸立賞格通行搜捕茲經署知縣胡彬將李貴成  
緝獲足快人心但該道及該縣所稟供詞尙有  
不實不盡之處臣已飭令速卽解營俟審訊明  
確卽將該員等勞績一併具奏懇

恩獎勵頃又接據稟報竄入寧羌境內之賊匪一百  
餘人係宋應伏股匪現已過鐵鎖關南遁有入  
廣南之勢臣飛飭防守邊境之慶溥永明等探

蹤截剿就地殲除設該匪潰敗狂奔逸入川境  
現在川北一帶有總兵許文謨道員劉清帶領  
兵勇在彼防剿臣現又飛飭該鎮道等探蹤迎  
擊毋任遠颺再湖南湖北官兵臣前經

奏明撤赴陝楚邊界交穆克登布帶領防剿俟臣

督師前赴平利時再令穆克登布帶領入楚昨

奉

諭旨以楚省餘匪無多令穆克登布仍在平利駐劄

防堵臣查穆克登布卽不入楚楚省二竹一帶餘

匪亟須搜剿所有湖南湖北官兵臣已飭令遊

擊李東宣等於初七日帶領起程由興安平利

徑赴竹谿竹山一帶令穆克登布就近指撥剿

捕並聽吳熊光長齡調遣再刻下大功卽將告

竣凡帶兵官員有可以裁撤者卽無須久留茲

查有前鋒叅領官福等十員皆出師數年著有

勞績現無專帶之兵臣已飭令卽日回京當差

又查有現隨臣一路之廣西兵丁自出師湖南

以來爲時已久該兵丁等除連年陣傷亡故以

及傷病遣回外現存不過八九百人而帶兵將

弁共有六十餘員爲數較多臣除挑留帶兵之

外已將叅將劉惟馨又備弁等二十一員撤令

回營並於兵丁中挑出勞苦日久年力稍衰及  
各處留養傷病兵丁共有九十餘名一併令劉  
惟馨帶領由漢中興安襄陽一帶水路回至本  
省歸伍至川省尚有廣西官兵百餘名人數無  
多不能成隊臣已經札知勘保就近由川撤回  
其陝省隨征之直隸山西山東廣東貴州等省  
官兵現已趕緊清查先將年老有疾者酌量撤

回以示體卹而節鹽糧至陝省各路防剿鄉勇  
凡籍隸川楚者恐裁撤之後漫無所歸必須詳

慎辦理

臣

現在行知各路防剿大員於各鄉勇

中查係本地應募素有產業情愿回家者先行  
酌量裁汰其餘外省民人或係本省而無恒業  
者昨已通飭名路查造籍貫年貌清冊具報以

便分別安置連日

臣

與楊遇春詳議章程昨聞

惠齡奉

旨仍赴峪外防堵路過鎮安臣寄信約其便道來營

俟會晤後悉心籌議並札商陸有仁如彼此意

見相同卽恭摺奏請

訓示

同日惠齡奏言竊臣接據探報苟文明正股賊

匪經額勒登保督兵剿敗將該逆家屬全行擊

獲後該逆喪膽狂奔復經額勒登保督同提督  
楊遇春帶兵追剿在紅草河韭菜灘一帶連次  
剿殺殲獲多人額勒登保現由江口一路追擊  
楊遇春已由夾嶺一帶兜截該逆萬分窮蹙止  
存三百餘人官兵分路窮搜不日定可得手至  
苟逆分股斬姓賊匪五百餘人由郿縣三才峽  
竄上太白山老林經總兵楊芳緊躡追剿扎克



塔爾亦由北面斜峪關兜截前進可期兩面夾  
攻又苟逆分股賊匪一百餘人竄過棧西大溝  
口經都司蘭福知縣劉大祺帶領兵勇截剿殲  
斃多名臣並已飛札防守甘境之道員朱爾漢  
遊擊七十九確探防堵其張士雲等一股賊匪  
通判雒昂督率寨勇在老莊子搜殺賊匪十三  
名張士雲等僅帶二十餘人逃逸雒昂復添調

盤屋壯丁百餘名緊蹣跟追又殺斃賊匪十一  
人救出被裹難民六名現仍跟蹤搜捕其餘各  
處打散零匪各路弁兵寨勇等隨地搜拏節有  
斬獲刻下各股賊匪勢已渙散可以迅就捕滅  
客候臣出山後察看苟逆竄蹤距何峪口較近  
卽馳赴何峪駐紮設法辦理

同日陸有仁奏臣連日據探報苟逆賊匪分爲

三股先後向東南一帶奔竄楊遇春等由泊陽  
壩一路兜截副將應元寬等由五臺子東川一  
帶堵截經畧額勒登保移兵懶板橈居中策應  
又斬逆賊匪由桃川一帶折竄太白山大梁經  
扎克塔爾楊芳設伏截擊殲擒四十餘名生擒  
二十餘名內有斬逆之弟斬土遙苟逆之姪苟  
朝坤當時均卽正法其分股西竄之賊乘夜穿

越老林向畧陽金池院一帶逃竄經慶成分出  
前敵兵勇趕到賊卽向寧遠一帶奔逃臣隨飛

札慶溥帶兵截擊慶溥已追至水田坪稍有斬

獲惟聞前敵鄉勇爲賊乘夜掩襲間有傷亡慶

溥現仍緊躡追截所有各路糧餉臣督飭源源

運供未敢稍有缺悞伏查此半年來各路征兵

俱在秦嶺南北深出老林之內曲折靡常除將

湖南協糧由興安石泉轉運寧陝等處接濟外  
其嶺北一帶更爲歧路百出且運道時被賊阻

轉輸倍覺艱難

臣

隨時飭令省局於咸長盤鄂

等處不惜重價採買設法運供無論兵至何處  
糧卽隨之俱得寬裕支放而漢中興安一帶各  
路防守兵勇不下四萬數千名加以夫役等項  
每月需糧爲數正復不少湖南協米將次用完

幸前次江西尾欠米六千餘石現已抵陝而續  
撥之八萬石頭批於六月十四日已過襄陽計  
日亦當入境可資分運儲備惟餉銀一項實不  
免前缺後空現在豫省籌墊銀三十萬兩解到  
時亦僅可找補前次未清之項此後各營要需  
尙當籲懇

聖恩另爲籌撥勢不能提還前截甘省例餉均奏入

上命軍機大臣傳諭額勒登保惠齡陸有仁曰此次  
苟逆股匪因官兵追剿緊急自料斷無活理逆子  
苟朝九及偽總兵邱姓等各帶夥匪分投逃竄苟  
文明及偽先鋒王世貴僅帶一百多人向光脚嶺  
等處潛竄經額勒登保督飭李應貴等跟蹤追剿  
將賊匪緊要頭目王世貴殲斃首逆苟文明亡命  
先竄約計所帶餘匪不過數十人是該逆勢力更

窮額勒登保與各路將領併力搜剿不難於數日  
內將該逆擒獲其分出之苟朝九邱姓等零匪及  
張二張三等逆有副將應元寬等分路剿辦亦無  
難尅日掃除惟前此曾降諭旨令額勒登保將苟  
逆剿除後如楚省之賊尙未辦淨額勒登保卽赴  
平利紫陽一帶扼要防堵令穆克登布前赴楚省  
幫同德楞泰剿賊所有陝省零匪專交惠齡及楊



遇春辦理此時楚省蒲添寶等股賊匪有欲竄川  
之勢卽此外零星竄匪知陝境有兵攔截亦未必  
敢再竄入陝况又有穆克登布在彼守禦額勒登  
保可無庸前往平紫一帶防堵且陝省勒士黃陳  
文海等股賊匪雖經扎克塔爾楊芳等於太白山  
梁大箭溝等處奮力剿殺多有擒斬但該匪所剩  
尙有三百餘人爲數較多亟應剿捕淨盡其宋李

股匪雖據鎮安縣胡彬將李貴成拏獲而宋應伏  
尙在寧羗境內有遁入廣南之勢亦當一併殄除  
額勒登保將苟逆辦完後應卽在彼督飭扎克塔  
爾慶成楊遇春楊芳慶溥永明等將陝境各匪一  
律廓清勿留餘孽至現在賊匪將次辦完所有一  
切善後事宜雖係該省督撫惠齡陸有仁專責亦  
須經畧會商妥辦卽如裁撤兵勇爲善後事宜中

第一緊要之事額勒登保奏將湖南湖北官兵撤  
赴竹谿竹山並將廣西隨征兵丁之在陝在川不  
能成隊者均撤回本省其陝省隨征之各省官兵  
現亦趕緊清查酌量裁撤所見甚是至裁撤鄉勇  
較之裁撤官兵尤關緊要必應詳慎妥辦額勒登  
保稱趁大兵未撤之時不妨先令散去一語不妨  
二字尙覺意見游移此事正應如此辦理額勒登

保當與惠齡陸有仁彼此確商悉心妥議並著將  
裁撤何省官兵及何處裁撤兵勇若干名開具數  
目隨報具奏額勒登保總當將陝境零匪悉數辦  
完籌定善後大局屆時察看情形如楚匪尙未剿  
淨再帶兵赴平利紫陽一帶防堵策應並令穆克  
登布赴楚協剿將零匪悉數戡定總期迅速告蒞  
成功至惠齡所奏各處寨勇俱知認真拏賊多有

斬獲可見設堡團勇已有成效惠齡陸有仁等仍  
當督飭地方官曉諭堡寨鄉勇益加奮勉搜捕零  
匪爲要至陸有仁秦陝省征兵俱在秦嶺南北深  
山老林跟蹤追剿旋折靡常各路供運糧石尤關  
緊要今查開陝省各屬糧價清單漢中興安二府  
大米每石竟增至五兩六兩以外去年京師大水  
之後米價昂貴尙不至此漢中興安一帶各路防

守兵勇不下四萬數千名需糧甚多若能將此等  
兵勇擇其不甚得力者量爲裁減俾糧不虛糜市  
價亦可得稍爲減落至所稱餉銀一項前缺後空  
卽豫省籌墊銀三十萬兩解到時勢不能提還前  
截甘省例餉等語此項例餉前曾降旨於所撥餉  
銀內提出歸還倘仍不敷不妨奏明再候籌撥茲  
已諭令河南巡撫馬慧裕再撥銀三十萬兩解陝

應用陸有仁仍遵照前旨歸還截留甘省例餉其餘銀兩存貯備用現據額勒登保奏將湖南湖北廣西直隸等省隨征官兵酌量撤回並各路防剿鄉勇次第遣散一應軍需餉項較前自可減省陸有仁務當撙節供支毋使稍有缺乏

同日

上命軍機大臣傳諭馬慧裕曰陝省軍營大功告蒧

一切善後事宜正須源源接濟著馬慧裕將各省  
節次解豫關稅等項銀兩湊足三十萬兩派委妥  
員撥往陝西交陸有仁存貯備用如不能足數卽  
著馬慧裕另行籌款墊足解陝現已降旨將兩淮  
應行解京之項提銀六十萬兩撥赴豫省俟解到  
時馬慧裕除償還墊款外其餘所剩銀兩並著存  
貯候旨動撥仍分晰開單具奏



上又命軍機大臣傳諭佶山曰近日各路軍營將次告蕘一切善後事宜需用尙多著傳諭佶山將兩淮應行解京之欸撥銀六十萬兩迅速派委妥員解往河南交馬慧裕存貯備撥

同日德楞泰奏言竊

臣

於六月二十六日拜摺

後督率大隊取道唐家營東進探報賊衆由紫荊山東逃我兵正可遏其去路又接據色爾滾

蒲尙佐稟報該逆被兵尾追知紫荆山有大兵  
迎截不敢東走連夜西折向黑山發箕山奔逃  
該處盡屬老林其徑直通鮑家山現已分帶步  
隊兵勇緊跟尾追等語

臣

查鮑家山西南北三

面如獅子背寨灣頂塘六塊石等處均係要路  
必須分派兵力截剿庶色爾滾蒲尙佐尾追之  
兵方可得力卽令副將烏爾卿額等帶廣西湖

南步兵一千餘名赴獅子背西面堵剿並令以  
本隊內挑出兵丁六百名交都司馬相胡宗典  
楊承順分帶就近由九家泡寨灣擊卡堵禦又  
飛飭馬瑜副將馬應國何君佐等帶領步兵在  
六塊石截剿令富翰富僧德都富阿叅將馬文  
斌遊擊涂陞等帶領滿漢步兵在頂塘一路截  
剿臣同賽冲阿長齡溫春協領穆騰額明德等

帶領馬隊在老林外烟墩垭傳磨坪一帶扼截  
詎該逆等被色爾滾蒲尙佐等追入鮑家山不  
能佔踞於二十七日漏夜由原路西奔適馬相  
等帶兵六百名至寨灣設卡之後二十八日天  
甫黎明探報賊由原路竄出馬相胡宗典楊永  
順帶兵丁四百名前至筲箕凹地方直前迎剿  
斃賊二三十名賊勢稍退復用鎗礮指定賊叢

攻打賊拚命搶撲又斃賊二十餘名正在力敵  
相持間忽然霧氣迷漫詎該匪分遣賊衆從溝  
底繞出官兵後路乘霧抄襲營卡守備鄭憲恩  
飭令墻子官兵鎗箭齊放立斃賊匪三十餘名  
賊衆不避鎗箭捨命直前衝撲奈兵力薄弱營  
卡被其衝破守備鄭憲恩當被戕害賊復折回  
前後刼殺都司馬相胡宗典楊永順等腹背受

敵均力戰陣亡適色爾滾蒲尙佐叅將沈洪亦  
已尾追而來馬瑜探知賊由原路西逃帶兵從  
觀音河趕到霧氣已散賊見兩路官兵追來不  
敢戀戰卽由寨灣向西飛奔我兵力追四十餘  
里沿途殺賊四五十名生擒張良友等二十七  
名訊無要供均係矛手一樁正法餘匪翻後山  
坪向南面鍋盤山一帶遁去查此次分兵四路

圍剿其寨灣地勢尤爲險要因湖南廣西兵力  
較弱是以臣派令赴彼據險擊卡堵禦滿擬將  
此股賊匪就地掃除不料該逆前後被剿情急  
無路逃生遂捨命衝撲以致官兵多有傷亡竄  
堪痛恨查賊衆馬匹全無雖向南竄仍係老山  
箐林其勢必出彎腰樹上龕非圖入川卽欲竄  
陝除一面飛飭達勒精阿武隆阿並張績於川

楚邊界上隨時確探迎截並飭總兵孫清元德

昌等於二竹一帶分探賊蹤截剿外

臣

卽由北

面之鉛渡坪取道紫竹灣抄出彎腰樹一帶緊

顧北面總不令其竄陝設或入川可與川省兵

勇夾擊自更易於得手惟查鮑家山爲楚境第

一險要之地因馬隊無路可進故賊衆輾轉佔

踞希圖依險藉糧苟延殘喘此番前後兩次將



賊匪竊逼出山或再被其偷入盤踞不但該處  
居民受其荼毒卽兵勇無法可以再進該處山  
勢連亘四五百里直通綳腰樹九道梁東南通  
巴東興山又與銀條嶺相思嶺毘連川界雖處  
處老山箐林無有如鮑家山之陡險仄狹馬騾  
不能行者若我兵先將鮑家山佔據則賊匪無  
險可依卽向他處奔竄馬隊均能深入追剿是

以臣卽令副將烏爾卿額叅將王占鰲酌帶兵勇由寨灣前進就近收集馬相等衝散之兵卽赴鮑家山扼駐將大小要路安設卡隘分兵嚴堵其採藥僻路雖已挖斷尙須設法佈置並調房縣典史蔣大錫一同赴彼曉諭各祠寨聯絡壯丁協同官兵守禦旣可搜捕零匪保全該處百姓禾稼又可藉民力爲之協堵實爲兩便再

臣

接據孫清元德昌稟報六月十八日探知竹谿之茅古坪並圓嶺大山現有賊匪三百餘人分兵進剿副將朱士倬都司郭朝鳴曾連鳳等由界嶺向茅古坪追擊德昌同總管托爾托保侍衛特克昇額叅將永祿遊擊烏勒喜訥都司韓綸韓英等由馬鬃嶺截剿十九日朱士倬等趕至茅古坪賊據險抗拒朱士倬等率領兵勇

仰攻鎗擊箭射賊匪敗上山頂拋石如雨時德  
昌等帶兵由馬鬃嶺抄來賊見兩路官兵兜剿  
登時奔逃官兵乘勢搶上跟蹤下壓由核桃園  
石板溪趕至爛泥湖共殺賊四十餘名生擒活  
犯二十七名餘匪扒界嶺四散逃逸維時天色  
已暮未能深追訊據獲犯供稱賊首姓熊不知  
名字共有四百多人前在鐵爐溝被四川官兵

打散如今只有三百來人等語餘無要供均係  
矛手當卽正法其被擄難民卽照例省釋二十  
一日復據松柏寨民報稱有賊百餘名現在攻  
寨德昌等卽帶兵前進詎賊匪一見官兵紛紛  
亂竄官兵窮追五十餘里殺賊十餘名逃出難  
民七名餘匪均入漆扒老林訊據獲犯賊有三  
百多人並不知賊首姓名現仍緊蹙追捕等情

查楚省惟蒲添寶聚聚賊匪現剩不過七八百

名此外吉林秦剿辦東湖之賊卽係崔胡戴四

夥匪不過四五百名李天林所剿歸州龔家橋

賊股亦不過數百名臣均已嚴飭該鎮等趕緊

剿除並飛飭孫清元德昌務將二竹一帶零匪

搜剿淨盡臣現在惟有先將蒲逆股匪趕緊掃

除以期次第廓清楚境此次除都司馬相胡宗

典楊永順守備鄭憲恩陣亡外其餘陣亡受傷

弁兵稍多俟烏爾卿額等查明到日臣卽移咨

吳熊光長齡仍由楚省造報庶不致有牽混均

奏入

上命軍機大臣傳諭德楞泰曰前次蒲添寶一股與

山內兩起賊匪合夥屯聚鮑家山恃險抗拒經色

爾滾蒲尙佐率領官兵開挖路徑痛加剿戮生擒

首逆兄弟眷屬並頭目多名所剩餘匪無幾德楞  
泰自應選派官兵將鮑家山險要地方嚴密防堵  
一面上緊剿辦速將該逆首夥悉數擒拏肅清此  
股乃不能先事預防致賊匪由原路竄出至笄箕  
凹一帶繞出官兵後路抄襲營卡緣兵力單弱營  
卡被其衝破守備鄭憲恩等當被戕害賊匪仍由  
塞灣向西飛奔而摺內稱將賊匪轟逼出山無險



可依轉似辦理得手以掩飾其敗衄之跡實則德  
楞泰派委不善其咎欲蓋彌彰難逃朕之洞鑒君  
臣相接以誠不可稍有粉飾該處地勢旣屬險要  
廣西湖南兵丁素非超健又未派令奮勇出衆之  
鎮將赴彼帶領致賊復折回前後刼殺衝破營卡  
官兵猝被傷亡此時若守備鄭憲恩都司馬相胡  
宗典楊永順等尙在自應嚴叅治以失守卡隘之

罪今既力戰陣亡仍著加恩咨部賜卹現在德楞  
泰旣稱鮑家山陡險恐復被賊匪盤踞已令副將  
烏爾卿額叅將王占鰲等酌帶兵勇由寨灣前進  
收集馬相等衝散之兵並赴鮑家山扼駐堵禦德  
楞泰卽應嚴飭該副將等前往該處擇要嚴防不  
可再任賊衆希圖佔踞致干重戾楚省賊股惟蒲  
逆最關緊要現剩不過七八百人並無驍馬而我

兵馬隊易於追躡德楞泰務須親督官兵分路趕  
剿於七月內將蒲逆迅速掃除卽不得已遲至八  
月亦應將各股餘匪一律殄平廓清楚境方可稍  
贖前愆倘屆期再有稽延德楞泰不能辭罪矣至  
孫清元德昌等剿辦熊姓賊股吉林泰剿辦崔胡  
戴四賊股李天林剿辦歸州龔家橋賊股均應嚴  
飭該鎮等趕緊剿除不可稍留餘孽

十八日

丙戌

吳熊光奏言竊

臣

連日差探各路剿

賊情形據報蒲添寶賊股經官兵在連三坪剿

敗西竄後又折回鮑家山仍圖恃險峒守叅贊

德楞泰分派兵勇由四面要隘逼剿前進該匪

不能存住向寨灣一路捨命衝出經派防該處

之都司馬相胡宗典楊永順等帶兵出營迎截

該匪乘曉霧迷漫之際暗分一股繞出官兵之

後抄撲營卡官兵前後受敵馬相等力戰陣亡  
其餘弁兵亦多受傷被害嗣各路官兵隨後趕  
到併力截殺殲擒數十名餘匪向南面鍋盤山  
一路狂遁德楞泰當率將弁分路緊躡而進至  
東湖歸州境內之賊據總兵吉林泰稟報探有  
一股賊匪六七百人竄至東湖屬之白楊坪該  
鎮派令兵勇連夜抄襲追至長嶺岡地方賊匪

或佔住民房或於山坡林內四散歇宿該勇等  
一擁前進先將房屋圍住前後搜殺割獲耳記  
六十八副生擒二十三名騾馬三十二頭匹刀  
矛七十一件其餘山坡林內之賊於睡夢中間  
官兵猝至倉皇潰亂多有自相踐踏斃者審  
訊獲賊據供此股賊內係趙姓徐姓兩個總兵  
爲首本係樊人傑曾芝秀股內夥匪四月間在

黃連坪被官兵剿散後遂自爲一隊等語查此股賊匪雖據供樊曾餘黨但又有趙徐兩姓爲首之說賊供不盡可憑或卽係崔胡賊股亦未可定現經兵勇剿敗後剩有四百餘人向歸州茅草壩一帶奔竄查總兵李天林前在道士塘剿賊後適帶兵在龔家橋茅草壩等處搜捕正可與吉林泰兩路夾剿

臣

因飛飭吉林泰緊躡

前進并令知會李天林務將此股賊匪迅卽合  
剿淨盡又據探報有零匪一股約三四百人由  
保康七卷坪柳波坪北竄穀城邊界之栗穀廟  
經該處寨勇截擊殲斃數十名該匪淌河逃竄  
淹斃數十名現剩二百餘名竄至房縣屬之錦  
雞坪攻圍民寨有馬欄寨首黨君彩率同衆勇  
趕往救護禦賊陣亡寨勇被戕害者二十餘人



臣當派副將蔣觀濤樊雄楚帶領兵勇飛前迎

擊該匪聞信向魚鰓口一路逃遁臣復飭蔣觀

濤等追剿前進傳知沿途各寨協力截捕以冀

卽就掃除又據竹山縣文武稟報該縣屬之水

深河馬鹿坪等處有零匪二股每起二三百人

先後竄至經該縣練勇分股截殺殲擒一二十

名不等首領盧洪吳元輔殺賊陣亡練勇等亦

間有傷折餘匪俱向瓦桑河西竄

臣

查瓦桑河

之西係竹谿豐溪一帶該處現有總兵德昌孫

清元等帶兵搜剿可資截擊

臣

細加訪問此次

都司馬相等一路官兵少有損折實緣猝不及

防所致賊勢尙不至復肆鴟張而該匪等狡悍

之性至死不變實爲可惡此外敗殘零股雖人

數無多然皆積慣才予困而猶鬥必須乘賊零

落之時上緊剿盡庶將來不至竄歸一路復成  
大股剿辦又形棘手是以臣嚴飭各路鎮將兵  
勇分投趕捕不可稍有懈緩尤不可以賊股人  
少稍存大意惟望仰仗

天威德楞泰一路勝兵卽就楚境將蒲添寶一股剿  
除則聲威益壯兵力益充以之分投剿辦餘股  
當更易於集事奏入

上命軍機大臣傳諭德楞泰吳熊光曰蒲添寶賊股自折回鮑家山後復向南面鍋盤山一路狂奔德楞泰督率將弁分路緊躡是否已入川境近日辦理情形若何正爲懸念而本日吳熊光奏到東湖歸州境內又有賊股六七百人在彼藏匿房縣屬之錦雞坪有零匪一股約二百餘人攻圍民寨寨首黨君彩率衆抵禦力竭陣亡又竹山縣馬鹿坪

等處有零匪二三百人先後竄至練勇等亦間有  
傷折看此情形自樊曾大股剿滅後各路將官兵  
勇未免疎懈大意以致賊匪又稍覺鴟張德楞泰  
等所辦未免懈緩前據德楞泰奏賊勢窮蹙並無  
騾馬我兵馬隊易於追躡今該匪等復敢糾集夥  
黨攻圍各處村寨寨首既經陣亡勢必將寨內所  
有騾馬糧食肆意搶掠又可助其勢力並恐山林

僻遠地方被賊攻劫之處當不止此帶兵大員一時未能詳悉至戴四崔胡等股前經吉林泰剿辦此時究在何處摺內稱竄至東歸一帶之賊有趙姓徐姓爲首或係樊曾餘黨或係崔胡賊股俱未可定此皆揣度之詞並未得其確切姓名總之無論趙徐崔胡等賊俱須概行剿盡勿留餘孽前此都司馬相等在筭箕凹地方防守卡隘致賊匪衝

破猝被傷亡德楞泰已照辭派委不善之咎茲各  
股零匪又有散竄之勢未能嚴密防禦設將來竄  
歸一路復成大股彼時辦理又形棘手德楞泰務  
當趁此天氣涼爽之時督率官兵上緊將蒲逆首  
犯迅速殲擒再移師房竹歸東一帶剿辦零匪並  
當一面轉飭各路帶兵鎮將將崔胡等上緊剿辦  
卽不能於七月內一律廓清亦斷不可逾八月之

限毋得再任賊匪蔓延致干咎戾每間六七日卽具奏一次免使朕昕夕盼望所有此次被賊戕害陣亡之寨勇黨君彩等二十餘人及練勇首領盧洪吳元輔俱著查明咨部賜卹

二十一日<sub>巳</sub>勒保奏言查楚省巴房二竹一帶

處處皆有剽散零股賊匪窺伺川界<sub>臣</sub>節次嚴

飭達勒精阿武隆阿張績等策勵官兵加謹防



守本月初六日探得巴東境內有零匪一起約二百餘人向巫山界嶺竄來有入川之勢張續卽督官兵探蹤迎截行抵牯牛窖地方正遇該匪分出探路之賊五六十人蜂擁前來悉係精壯矛手遊擊晉之璉畢萬年帶領前隊兵勇先到與賊迎頭相值奮勇剿捕鎗箭齊發立斃賊匪二三十名生擒十四名餘匪折回原路奔竄

訊據活賊供稱此股係黃號剿散之賊共有二百多人現在麻渡河地方要向大昌一帶竄走等語張續將該犯等正法卽移兵麻渡河迎剿詎該匪已知有官兵前往卽由漢平舖折回界嶺餘匪仍向楚省九湖後窖一帶竄入川界總兵德昌孫清元帶兵跟追前來臣聞信卽一面飛飭達勒精阿武隆阿帶兵由徐家壩探蹤堵

截一面飛飭張續出大昌向通城一帶遏截維  
時該匪竄入白菓園知大昌一路有兵卽不敢  
由通城奔竄仍折回大寧所屬之後坪蕭家渡  
一帶沿邊行走適達勒精阿武隆阿一路官兵  
由徐家壩抄出後坪截殺立斃賊四五十名生  
擒二十九名賊匪分作兩起逃竄查訊活賊供  
稱此起賊匪係黃號王國賢餘黨內劉總兵喚

劉紹一賴先鋒名喚賴飛龍還有白號沈王姚  
三個先鋒不知名字又會合了藍號元帥張長  
青一股共有八百多人要由野貓巖向家壩走  
大寧入川不想被官兵截殺將我等掣住等語  
達勒精阿等將該犯等正法卽一面進兵一面  
知會德昌孫清元等兩面探蹤夾擊詎賊匪經  
官兵衝截卽分路奔竄劉賴等逆帶領三百餘

人由雙橋子大禾田一帶轉回楚境德昌孫清  
元卽帶領原兵跟追回楚其張長青及黃白二  
號餘匪亦有三百餘人經達勒精阿武隆阿等  
帶兵兜截由茅坪馬草壩向沙陀子一路竄走  
有向雲陽之勢臣查此時楚省剿散餘匪在大  
寧邊界者甚多正防守喫緊之際達勒精阿武  
隆阿等一路官兵未可移向他處所有此股竄

匪業經竄近雲陽

臣

已另飭遊擊羅思舉帶領

兵勇由雲開一帶就近迎剿務期就近殲淨不

致蔓延又一碗泉一路有陝省邊界竄來賊匪

二百多人經防守大寧鹽廠一帶之遊擊何占

鰲都司袁洪挑帶防兵分路前往堵截袁洪帶

兵至關口山探得該匪在半溪一帶游奕當卽

奮勇衝殺斃賊二十餘名餘匪遁入白子塘林

內袁洪率領兵勇入林搜捕忽遇草坡內伏賊  
突出袁洪誤中賊矛陣亡兵勇亦被傷三十餘  
名適何占鰲帶兵趕到截殺賊匪潰散向楚境  
茱子壩一帶遁去又達斯呼爾岱羅聲臯一路  
官兵在洛陽三壩一帶搜剿餘匪初六日探得  
百草壩地方有零賊二三十人潛匿達斯呼爾  
岱卽率同副將海常遊擊馬成林張拱辰等乘

夜前往賊匪正在該境半坡屯聚官兵乘其不  
備從山梁下壓立斃賊十三名生擒十名查訊  
活賊內有朱世華一名係劉朝選股內僞總兵  
王大鳳一名係僞千總其餘均係矛手當經訊  
明分別正法又同時探得開縣關口坪一帶有  
零匪五六十人竄走達斯呼爾岱等卽派叅將  
蕭鳳來分兵往剿蕭鳳來於初七日帶兵行至



關口坪該匪尙未起竄蕭鳳來領兵圍捕殺斃  
賊匪十三名生擒三十三名查將活賊交辦理  
團練委員張一鶴查收轉解蕭鳳來仍移兵搜  
剿初九日復於石連池途次突遇零匪數十人  
蕭鳳來迎頭截擊將賊匪追至陡坎殺斃二十  
二名生擒三十名餘匪七八名均滾崖跌斃查  
訊活賊內有偽總兵王奎一名卽係前獲偽總

兵王興之弟均屬白號剿散餘黨蕭鳳來一併  
交開縣轉解又據田朝貴稟稱該鎮帶兵在竹  
峪關一帶防守探得西鄉所屬安良寨地方有  
零匪數十人在彼滋擾田朝貴卽派遊擊薛陞  
分帶兵勇前往剿捕賊匪聞有兵至卽翻山向  
鹽井壩一路逃竄薛陞率領兵勇緊躡追殺斃  
賊二十餘名餘匪向西安壩巴山老林竄去

臣

查川北一帶現在已無賊匪西鄉邊界零匪似  
亦無多惟近接陸有仁來信據稱畧陽境內有  
苟逆股內剿散零匪二百餘人由棧路竄入金  
池院大溝一帶慶溥永明已分兵兜剿等語此  
起賊匪距川界不遠恐其攔入廣元一帶臣已  
飛飭許文謨加謹偵探如有竄近川界之信卽  
帶兵迎剿可期得力再前欽奉

前旨以七十五鎗傷復發是否尙能平復臣查七十

五向來帶兵奮勉前後受傷十四處惟右腿所受鎗傷時愈時發前因追剿苟逆稽遲奉

旨革職作爲兵丁効力現在派令在川東幫伊子武

隆阿防堵楚省竄匪臣昨至夔州見其舉止甚

爲狼狽面加詢問據稱從前受傷時鎗子夾入骨縫中未能取出以致時止時發此次傷發較

重右腿不能落地看其一舉一動皆需人扶掖  
將來恐成殘廢奏入

上命軍機大臣傳諭勒保曰楚省賊匪經德楞泰督  
兵逼剿恐其情急復思竄川屢經諭令勒保於大  
寧巫山一帶嚴密防堵今據奏巴東有零匪一股  
向巫山界嶺竄來經張績等帶兵迎截折回大寧  
邊界又有王國賢餘黨劉賴等逆由楚省竄入亦

經達勒精阿武隆阿迎頭擊回又張長青一股已  
由大寧竄走雲陽一帶等語是楚省餘匪業有紛  
紛竄川之勢現在蒲添寶大股賊匪德楞泰正在  
上緊追剿之時該匪等無路奔逃或恐分投潛竄  
入川勒保當嚴飭防堵之將領等如有楚賊竄入  
境內卽當就近速行剿淨歲七年未了之事此等  
餘匪無論在楚在川總應一律殄除不可稍分畛

域至川北一帶據奏現聞有苟逆股內零匪由棧路竄入距川界不遠等語川北一帶現有田朝貴等帶兵在彼亦當飭令嚴密防堵如已竄到川境卽就地剿除淨盡爲要至勒保此時當遵照前旨將無關緊要處所防兵酌量抽出一併帶至大寧巫山一帶駐紮以備楚匪竄來合力截剿總之現在川省零星餘匪業已無幾卽楚陝或有竄來亦

不過敗殘餘孽較易殄除惟當上緊督飭迅速剿  
辦計此旨到時已屆七月杪如業已依限辦竣固  
屬甚善倘尙有一二未能淨盡之處務須於八月  
中全數廓清毋得再有稽延又至冬令爾等實無  
良心矣其在關口山入林搜捕誤中賊矛陣亡之  
都司袁洪著咨部賜卹

同日



上諭內閣曰七十五向來帶兵奮勉出力前因追剿  
苟逆稽遲革職作爲兵丁効力經勒保奏明伊腿  
傷復發降旨令其在夔州安心醫治並諭令勒保  
查明是否尙能平復茲據奏七十五傷口雖漸平  
復而鎗子至今尙未取出骨內疼痛舉動需人扶  
掖看來一時難以就痊七十五著加恩賞給護軍  
校准其回旗調理俟傷痊後再降諭旨